

集部

銀定四庫全書 集部

詳校官庶吉士臣朔圖禮 主事臣吕雲棟覆勘

**悠録貢生臣王** 腾録監生臣鄭改緒 載

交已日年在 欽定四庫全書 提要 忠穆集八卷 醴泉觀使致仕卒贈太師秦國公益忠穆 歷官至河北都轉運使高宗南渡起知揚州 两入政府為同中書門下平章事後以少傅 臣等證案忠穆集八卷宋日順治撰順治字 元直其先樂陵人徒齊州中進士第敝宗時 忠穆某 集部四 别集類三宋

為公論所不與然宣和伐無之投順浩隨轉 排李綱李光諸人創立月椿錢貽東南思深 排輯勒成八卷順浩在相位時顓肆自用力 得文一百三十七首詩詞五十八首今重為 惟今永樂大典頗散見其遺篇裒而輯之尚 輪奏熊山河北危急五事請議長久之策一 孫書録解題宋史藝文志者並同舊本久佚 蹟具宋史本傳順浩集凡十五卷見於陳振

議之必不可成而勘高宗為来機進取之計 載於徐夢華三朝北盟會編者大約告謂和 治與張浚倡議勤王卒平内難又少長西北 未建恢復之績不能盡酬其所言紙較張沒 時稱其切直至建炎中苗傅劉正彦為逆願 之迁誕寡謀娟嫉快國富平諸役流毒蒼生 凡分兵策應機宜籌畫頭備雖都督江淮迄 两邊於軍旅頗為爛習其應該上戰守諸策 Ų ときり

金罗巴人名言 燕魏棋記盖順浩在河北時所作令祗存二 足以補史關也書録解題又稱集後三卷皆 說亦復具有先見而本傳獨未及此事是亦 康初年能預決金兵之必來諄諄以遷避為 常付兩浙漕司錢板詳見其子指所作謝表 十九條於古蹟頗有典据又其集在孝宗時 者則固有問矣集中上時政一書乃作於靖 中今與順治配饗省劄一通並付於末以備 提要

ما در الما الما الما الما الما الما الما الم					
71,	·				稽核馬
忠理集					籍核馬乾隆四十六年三月恭校上
			總	總質	六年
			校	總禁官臣紀的陸錫能臣孫士毅	三
			官	紀的	月
			臣	陸田	松校
=			陸	加作、	上
			赀墀	孫	
,			墀	教	

			金以正正人智
			提安

三日本公司 面 德格於上天是宜邊境安寧萬那於 東仁民愛物之心學於 上各具所問實封間奏 」臣僚上言邊事乞大 呂頤浩 撰

造敵人情偽與夫戰陣之略粗聞一二大馬之齒今已 隱而不足兹誠多事之際而聖哲馳騖不足之時仰紫 福然而乘兵政敗壞之後敵人以百戰之師投隙而南 大詢備禦之軍臣本以儒學進身然當任西北沿邊差 所向無前適丁斯時實勞措畫傳曰天下多事聖哲馳 六十筋力不能勝甲冑衰邁不能從軍旅顧有愚見不 三日料彼已四日選將村五日明斥堠六日訓强弩七 敢緘點輛陳今日備禦十第一日次民心二日定廟算

法三章除去泰之暴政民大悦服雖有項氏之强而終 臣聞治天下之道英先於得民心昔漢萬祖人 日分器甲八日備水戰九日按浮橋十日審形勢謹係 已便民慨然願治可謂勤矣然金人因破滅契丹之勢 ・しこううこう 為所擒落德宗被圍奉天內嬰孤城外迫強冠所恃者 心未去故卒能誅疆暴而復社稷陛下清心省事約 投民心 む珍集 へ関中

諸州近復引兵渡河駐兵于開封大名府濮州境内環 者民心畏禍一有動摇竊恐京東州縣及淮南宿亳等 地數千里被其茶毒可勝嘆哉今敵騎漸迫京東州都 州縣望風而下則不可支吾矣伏望陛下發至誠之心 我中原弛備之時北破河朔河東諸郡西陷京西陝**右** 州軍及鄉村人戶避兵而南来者令州縣優加存恤及 河北京東两路蠲免夏秋二税除放積年欠負凡破陷 下哀痛之韶遠法商周之罪已近考奉天之詔書曲赦

こくこうこ シー 部三省密院詳議利害如京東淮南諸路城壁堅壮守 入州城居止金人既被一城緣此所得倍廣伏望聖慈 大兵縱橫之後鄉村有力人户盡挈其家屬斗畜資産 惟金人割勇堅悍輕生不畏死長於攻城諸路州都緣 以問況京東州縣累經大兵殘破之後民失耕業不曾 近使之周知所有逐州軍軍糧却令轉運司係具措置 防護家小勿令賊盜殺害凡此號令斷在必行楷告遠 種植雖不放免無可輸納矣當考自古外國不善攻城 むりま

臣昇勘金人駐兵於澶魏之郊祈請之使屢行而彼未 明相拒知洛陽不可守沮韋陟之虚誕縱民避賊退保 縱官吏與民避兵或入山林或入败澤庶免全郡生靈 皆為魚內為此一路之民開此生路昔李光弼與史思 河陽卒獲大提臣所願收民心者此也 有講和之報范瓊韓世忠統兵北去而未有決戰之期 備糧儲不乏去處責令死守如或不然緩急之際 定蘇算

金月 四月月

官多言疆弱不敢不敢交戰百官之心皆顧靈與渡江 夫渡江一事不得已必為之但迎敢拒戰之計豈可少 兵以敗之況主上躬有天命祖宗德澤在人而金人堅 即挫之将堅舉百萬之果欲投馬等渡江伐晉謝安遣 緩哉 昔魏武帝以中原之盛引兵南征周瑜決策以舟 致聖應係勞大詢羣策迪主憂臣辱之時而大將主兵 耶昔韓信論項氏謂其運易弱與此相類伏望聖慈明 忍果悍恃逼珍物安知我之弱不為強彼之遇不遂弱

**弘定正庫全書** 跌臣願定廟算者此也 定計南陽則知光武之業成夫及論決策不可二三蹉 **敕主將修武備講陣法訓匯弩料彼已明斥堠以竢夾** 詔大臣議定廟算除為週江之備而大為拒戰之資申 臣聞用兵之道在知彼已知彼而不知已必敗知已而 陰論項王審料成敗則知髙祖之廟勝耿弇決策河北 一戰此不易之策也昔范蔚宗論光武之略以為淮

取往往望風奔潰不服交鋒者以將師不知彼己亦未 延環慶皆山險之地騎兵非所利故也金人起燕薊歷 當講完徒己之長短也臣頃在郡延環慶路見我師與 不知彼亦敗自金人入邊以來百戰百敗非止百戰百 夏人接戰每选勝送負未有敗級如今日之甚者盖亦 所恃惟步人以步人抗騎兵則平原廣野決不能立惟 步人不能抗此所以多敗也夫役之所長在騎兵我之 趙魏絕大河至汴宋皆平原廣野騎兵馳突四通八達 忠穆来

馬不喂料止食青草七八月間馬乃出潑之際敵人 大暑之時出其不意而攻之庶可勝也翰林學士孫洙 秋冬之後每年四月放馬入泊逐水草號曰入殿原 阻险用奇可以拖擊為將者不可不知也金人用,兵在 制策論郭丹其春曰以一月之糧與六月之師破之必 种師道與契丹相持於白溝是年大署契丹以酷熱不 矣豈虚言哉臣宜和四年任河北轉運使五月下旬隨 数千項某人叫鳌留以養馬謂之馬入凝入殺之軍及燕前諸處郭丹有國時擇美水草之入殺之 へ畏 西注

也步兵十不當一有深意存馬思考自古論兵能知彼 之地也車騎二不當一土山邱陵平原曠野車騎之地 此又所以多敗也臣書觀泥錯議兵事日匈奴之長技 矣自用兵以來每於春冬交戰正彼之所利我之不利 知已未有出晁錯之右者顧認諸将用我所長擊彼所 三中國之長技五山林積石經川邱阜草木所在步兵 短講求其說以保萬全臣所謂知彼知己者此也 可忍不顧性命躍入白溝河以水浸其驅其畏熱可知

臣聞之孫武曰兵者國之大事将者材之至難傳曰有

必勝之將無必勝之兵又曰將者人之司命審如是将 得矣蘇轍有言曰道藝文章勉強猜習而可至惟有知 即之材要當遊選委任若非其人則禍敗不可勝計然 人材難知功業寓於智識就其智識觀之則人材或可

授人者報之言雖可信然孔子所謂視其所以觀其所

書親太祖太宗皇帝駕取將即告令有新然不滿之意 享厚禄膏粱之奉安存之處既深則臨敵用命者鮮矣 由察其所安莊周之論九證宣虚語哉今強敵在境天 事官各舉一人委官問其謀處武其材武如或可用從 衙臣係各舉村堪將佐之人各二人監察御史以上職 **矜全之情薄生厚故安存之慮深夫以中人易流之性** 而推武庶幾将材自此塗出昔范蔚宗有言曰事苦則 下多事將材為急臣願陛下記行在從官及統制官三 忠穆东

哲平建悉此類既果將材出矣臣願陛下選將材者此 材力之人乘上等牡馬四五人為一隊齎弓箭及手刀 臣契勘金人用兵無斥埃軍無行伍止是選擇强北有 則殿去故也以近事驗之巨師古未知名之人能佐趙 如曹彬下江南王全城下蜀未當過與官爵郭進守 西李漢超守關南亦未皆妄進官資以其機則看人飽 明斥堠

金月四月百十

正月在金人塞中親見金人引兵到上德橋而京師猶 與飲食草料盖敵騎之行若飄風驟雨郵傳步人探報 前來逐人給金字即與之所至村民官私驗認牌子給 選有材武心力使臣将校百人分為二十隊給弓箭手 **餘里而中國諸軍自來斥堠不明萬一金人南來須來** 不及近年之弊往往緣此臣宣和七年陷于金人次年 刀及選擇壯馬乘騎前去分頭探報遇有警急令奔馳 不帶衣甲前去探事號曰硬探其探事精審日馳二百一

挨者此也 者河北强逐非金人夫斥挨乖謬如此之甚誠可怪駭 縱之使歸京即伯友指都堂陳述而大臣以謂破鄭州 動造四百全書 臣曾考近年以來金人入境我師遇之不暇成列軌 又如果年以來敵騎液河緣北岸無採報不知我馬所 聚令治舟楫絞解筏致南岸無由掩擊臣願陛下明斥 不知是年十一月金人已渡河破鄭州執知州宋伯友 訓雅梦

潰敗走者以平原曠野我之步人不能抗彼之騎兵故 史冊所載及以近事驗之邊人之長實在騎兵我之所 為将者全不預謀分兩異而射之所以不能立臣當觀 也又金人遇中國之兵往往以鐵騎張雨翼前來圓掩 The Diet Comin 技也其理亦明矣蘇春合從說韓曰谿子少府時力距 長莫若强兮今欲禦騎兵拾殭弩将安用哉晁錯曰上 **發失道同的匈奴之革笥水為弗能支也此中國之長** 下山坂出入谿澗且馳且射此匈奴之長技也材官駒 忠穆集

近事言之崇寧年環慶路築大岩泉种師中將前軍羌 帶利劍一人當百不足道也夫史丹所載兹可驗矣以 括臂洞脅近者鏑弇心又曰以韓之卒被堅甲蹠勁弩 來皆射六百步之外韓卒超足而射百發不服止遠者 中必有老将見此事者宣和四年冬努丹大師四軍太 即比精者原注號磨底比精鐵騎萬餘人前來奔衝師 中下馬號令以殭勞射之乃退雖相持數日不敗吾軍 師引精銳來冤霸州大戰於永清縣北郭樂師用河北

定然後可以語戰近時之敗以我師每為騎兵衝突措 第六第八第十五將馬黃弩神臂弓藥師本将人馬分 大定の車を書 只發兩箭則敵人必卻敵人既卻我師乃可立我師立 操替敵人騎兵縣至奔突使三百步內強弩並發人人 之利遂致中原之長技無由施設且如萬人為軍千人 召而問也近日用兵多係孤軍獨進為將者不知強努 師爽之遂大敗今淮東提刑薛彦國時為第十五将可 隊相間擺布對列以馬黃等神臂弓射之敵騎少却我 忠穆集

臨陣對敵緩急之際施放不快不若運營之輕捷臣願 金りいる 訓疆弩者此也 其藝難精自來逐將能射神臂弓者不過三四百人無 臣曾觀金人之軍兵器便利衣甲堅密所以多勝中國 軍兵器不便利衣甲不堅密所以多敗何以言之金 不定所以敗也神臂乃箭在軍器中 軍皆是民兵平時賦級至薄而緩急以丁點軍級 分器甲 雖最能及遠然

曹而習弓矢所以器甲各適用中國之軍莫非縣卒器 Selection and Justin 同夫驅人於行陣之間以則肉冒鋒刃而甲不堅容器 之以三石等致弓弩不適用反與短兵同寒餓之卒無 能挽上斗弓者或授以一石弓力能勝雨石弩者或付 深意晁錯曰甲不堅密與袒楊同射不能及遠與短兵 力自辨器甲可勝嘆哉昔馬避製衣甲次分三等盖有 甲從官給身驅短小者或得長甲修長者或得短甲力 丁之類 器甲数馬無非自辨平時家居日逐樣甲如两丁點 北杉泉

金人軍行有車乘斗畜原注多係三五般載器甲所以 金罗巴五石雪 庶使士卒之心堅固敢戰臣所謂分器甲者此也 軍統制官使之講論其事今日合如何措置條具以聞 則困於負擔矣此人為將者當講議措畫也臣願詔五 心固而敢戦漢兵遇敵馬軍全裝步人則衣甲不具所 以心怯而畏戰原注步人戴笠子不能然循手持比也 不適用良可哀也又北兵遇敵步人騎兵皆全裝所以 可以全裝我師之行無搬載器甲之具步人全裝 十人共一車

豈可不講然防淮難防江易是防淮不若防江也臣已 所有則秋冬之交睥睨淮南必矣江淮水戰之具在今日 臣契勘金人既殘破京東州郡而京西路州軍去年殘破 條具夾谁一戰之計矣防江之事莫若備水戰今朝廷 外止存金州與順昌府金人志在初掠向北州軍既無 府抵真州凡可以濟渡處並未開措置豈可不預為之 於鎮江府擺泊海船以備樂敵而上流州軍自則南 備水戦

長江所謂走舸者亦不可忽也又觀王濟伐吳造大船 出門其上皆得勘馬所謂大船連舫今亦可作也又造 連舫方百二十步受二千餘人以本為城起樓櫓開四 大破會公於赤壁所謂紫衡關艦當講求其法製造於 連船艦首尾相接可燒而走乃取紫衝關艦數十艘實 鞍馬仗舟梅與吳越爭衡本非中國所長觀曹操軍方 計哉昔魏武帝既得荆州引兵窥矣周瑜策曰曹操拾 以新草膏油灌其中聚以惟幕上建牙旗又預備走舸

動员正本全書

備戰輕舟或日刀魚或曰雲梯皆不可闕也伏望聖慈 艦或日樓船或日海鶻或日游艇臣又當於雄霸川見 **大筏數十方百餘步令若可用亦不可廢也今古之戰** 舟船設施利害申明措置不可省緩臣所謂備水戰者 江府專切提舉製造戰船教習水軍及詢訪古今備戰 專置使一員一員自荆南府至池州一員自池州至鎮 控浮橋 忠穆乐

造那藥師提騎兵三千夜馳三百里比明至濟州奪浮 不可不防也請康元年正月問金人到磁州邯鄲縣先 **斥堠不明探報不的萬一城兵或馳至緩急無以措手** 漂壞未曾修治外朝廷已差兵防守泗州浮橋矣竊恐 臣契勘泗州壽春府各有浮橋除毒春府浮橋因大水 於採報不意賊騎處至人兵倉卒奔潰幸南岸守橋人 望見敢中旗幟急以猛火焚斷纜索遂不得濟金人既 橋是時內侍梁方平雖領精鋭人兵在黃河北岸以失

金安口人人

權暫解於其浮橋即船并大競物料並擺泊於南岸却 油准備緩急焚穀纜索比之倉卒荒擾事不侔矣臣所 得濟欲望聖慈詳酌委官家窺前去措置若可解訴即 臣仰惟陛下聖德龍飛前年五月即位於睢陽聖心慮 以舟船濟渡過往之人如未可解拆即南岸措置猛火 謂控浮橋者此也 審形勢 忠寥集

不得濟乃沿河上下尋冤舟船編排巨筏又四五日乃

遠究觀損益謂汁都之境距大河止百里過大河乃金 歲矣故者金人攻破河北京東州郡尚未退師若疑殿 能控扼則我必渡江若渡江之後又不能控扼則敵騎 夫金人過大河已不能控扼我乃渡淮既渡淮矣又不 南来則大駕必須渡江此勢之必然人情之所共知也 己於前篇條具夾淮一戰之計矣又請大習水戰為備 亦須逼江此實忠臣義士殺身徇國決死一戰之秋臣 人界也誠未可以還與乃時巡淮甸駐雖維揚連今喻

我師過之望風奔潰不服接戰是以邊塵所向大將膽 之計可以圖萬全之策夫以金人善用兵善料敵彼知 屯毒春府花壓鎮以備衝突臣契勘自金人入邊以來 牽制我師無光濠州界淮河淺狹幾可徒涉此尤不可 春府或光濠州境內渡淮南來及以輕兵由宿泗前來 江之計矣臣願陛下明的大臣及統制大將講論一戰 聖為駐雖維揚楚四之間必有樂備則必遣重兵由壽 不防者要當分擘兩軍以|軍屯泗州盱眙縣以|軍 忠廖集

|望點布置陣如項羽甚心惡之且點布一年能置陣如 勢雖託昧不傳而兵法具存則有陣圖可考告漢高祖 制人人不退走迎敵角勝負則可以語一戰矣常山蛇 金人用兵雖號裝勇然而無紀律無陣法若退節制之 阻險以決一戰必至於糜爛不振又至於不可支持也 落士卒心驚亦未嘗布為一陣使人自為戰者非據淮 此今之大將宣不厚顏耶臣前所論金人所向盡用騎 一敗之後必至於顛沛但今我師依古陣法遵用節

金分巴四百言

之敗責其将士曰吾父子以温衣美食養士四十年 典刑致令統兵者畏死不畏法何以示天下耶昔孟氏 勝之將矣又安得以勝之兵哉加以近年以來朝廷駕 如何據險如何進止以英一舉臣又開有必勝之將無 能勝則夾淮一戰伏顧疾速處畫揀閱人兵布列行陣 取將師賞罰未明人不孚信敗軍失律之将未當明正 兵平原曠野我之步兵決不能抗治非阻险用奇決不 む多集

率果犯陣兵始交大將樊徽何愛能退走其騎軍亂世 在吾境內有糧草有地利我為主彼為客諸將尚躊躇 奮獨見之明引兵趣洛陽陣於賊間不憂世充襲其後 建德舉山東之衆號三十萬以助世充諸将怯懼太宗 北向放一箭哉昔唐太宗征王世充陣於洛陽之西竇 而不敢進國之爪牙将安用哉昔周世宗征河東劉旻 旦臨敵不能為吾東向放一隻箭今日大將誰肯率來 戰而擒建德夫唐太宗敢陣於兩賊問而夾淮之戰

一部 近本全書

た日日中心時 形勢者此也 則我冬之間南收必矣備禦之策不過如此臣所顧審 宗躬督戰将士皆奮遂敗是軍世宗休軍潞州斬樊徽 何爱能以徇軍威大振近時用兵未當行此誅責然則 歌肯用命哉臣究觀金人之勢若二三月間不趨淮甸 忠穆集

				全里によ じける 人でする
				老一

欽定四庫全書 乏 アノハンフェー シェニー 忠穆集卷二 縱方逆臣作亂唱蔥敵人侵陵淮甸之初奮發獨 今月十七日准入内内侍省遞到金字牌降付臣 御六飛巡幸近邊號令諸將上下用命屢奏奇功遂 道臣已望閥祗受外臣仰惟陛下聖徳日濟審謨 上邊事善後十策 忠厚集 宋 吕頤浩 撰 詔 断

陛 呈 H 陃 下盛德 **殭敵退兵生靈** 病 **算美尚且發德音下明** 具在十 加十 邊出入行陣 所真監燭末光增輝日月冒賣天聰臣無任 然荷胜 事 謙 事内 凡今攻 冲 下 踰 骓 非 將 戰之利守備之宜措置之方終懷 常之眷懷天地莫報之思 按堵凡所謂善後之 智識蹇淺無所 屈晕策以圖中 祀 耳 詔 聞目見 俯詢情 取 與之大業 粗 弱 材 為 問 策固不能 習 **然臣生長** ンス 熟 方略 謹繕順 也臣 輙 νZ 逃 肵 骓 仰 西 老 さ 见 於 進 北

一金グロたる言

惟激切之至 兄之阨以救生民之命而敵性貪婪吞噬不已自王倫 悟其詐卒致顛覆仰惟陛下天性聖孝痛北狩之未還 持二十年今歲戰次年和次年復戰而契丹主天祚 臣契勘臣在 Carolina Carolina 回走四年美歲歲舉兵侵掠川口去年雖 生靈之茶毒屢遣信使甲解屈己祈請 渝 用兵之策 河北塞上守官歲久日都金人與契丹 忠楊集 滿 和以前 不曾出兵 相

兵交使在其間 支吾賦飲 今幸 可 問遣使命再胎書以騙之復示弱以給之 焚或日如 二里心 柳金 金人 備五 終 الم 戰月 不得還中原之地 至 退 此 眖 問 逐廢講 財力困竭比 不 岩不用兵則 悱 ]:] 可因戰 前 粋. 集 于 和一 횓 而廢 秋 事 心不 不 冬間復舉兵至淮 五 和又 月 可不用兵也况 BB 可復偽 間 臣 不 必傳箭於 對曰不然 可图 一而我急 齊資糧 和 而忘 古 不 甸 國 单 必 用

金次巴尼百十上

師南來大

淮甸又與

劉

隊同

惡

相齊具志豈

1]-

へいう ここここ 侍重貨奉使大逐得趙良嗣於盧溝河聽其狂 出具不意乘時 由海道至女真國通好原注 契勘金人本 契 凹 圖 律氏兵益衆勢益張知中國太平 無厭以致 也逐陷 論 彼 憤 此 形勢 怨舉兵交戰逐减 丹附庸之國契丹主天祚侵陵其 原勢愈肆横二十 事開具, 以多具 建女國真 在時 後此用兵之利 年 跳於 大宣 耶律氏政 間主張 Ð 金和 都 四 和 女真既 國事者 無 戰 也 循

高慶商王的張愿恭之徒是也為之將即者幹剌布 凾 木伊都洛索貝勒達資三子四太子達資郎君之徒是 献 相尼馬哈也為之謀臣者劉彦宗固新貝勒蕭三太 已味於不敢自焚之禍部曲離心已久将士厭苦 被之勢可謂 **無不成戰無不克横行天下又近十年** 月 謳 吟思其鄉土勢必清散有将亡之兆愈 ľΉ 于 立 金次 飩 契丹 年 强矣然尼瑪哈之性好殺而喜戰 月得 兵十 <u>L</u> 不得歸今朝廷在敵 中時其東 三.原 **华注** 和注 金天 汪 用 師 オ 人會

卷二

之數年前則不同何以言之數年以前金人所向我 一氣皆在數人下 其將士所有子女玉帛充物于室志騎 宗幹喇布伊都扎木國王洛索貝勒皆已死所存者 戰兵未及交鋒悉已遁走近年以來陛下留神軍政 意滿此亦將亡 之兆凡此皆彼之形勢也我之形勢 女財實恃天道結民怨窮極已甚此亦将亡之兆劉彦 つくろうことに 精鋭法去孱弱今二三大將下兵已精矣原注 家何 鄉又其性皆殺將兵所至族其强壮老弱旅其婦 忠枵集 光臣 世竊

用將在 飠 ゲロ馬 世 **心** 祁軍 河 造器 械 忠 鎮 鹄 北有 初 涛 除 製作 輜張 前 經 之並嘗 騨 P 馂 敗無觀後 7 張 重 今 陣 恐至 火楊 馂 太弇 器 艧 15 膽 由装 頭沂 世 宗心 鮫 忠首 械 氣 捷 外中 皇 副 軍 年 王彈 略 於 Ð 市 膊 岩 不 士變塵 挫 明州 備 以来 怯 皆 於有 乑 勇於 关 其鋒 全下 北皮 不 F 早 陳 堪 下兵 笠装原 京 兵 思恭邀 赴 武子 衣汪 數 諸 宮室菲飲 + 既 五約 甲 外 將 庫面 敵 屢得 域 排無 萬二 故 撃於長 器 **悲**敵之 + 頃 唑 兵 勝提 者 食 F 下 故國 韓 白 而 河 備 來 輟 聖 北怯甲 橋 至 世 性 於 將 11/3 心 航 ツス 精 扡 王 財 À

必有後時之悔豈可少緣哉 有兵十四萬而平定諸國遂取天下况今有兵十五萬 察賊之勢如彼度我之勢如此若不用兵恢復中原 累次大提於川口此我之形勢也夫太祖太宗皇帝 括官私戰馬逐水草收放號日入 **馬地** 虚 河北陕西緣邊備見金人風俗每於逐年四月 論 舉兵之時 '後禁人乘騎八月末各令取馬出 忠導集 之地美水乃原注殿乃 草不 初 去耕

當出於盛暑之時歷代將師儒臣皆不知此惟唐杜牧 嘗獻言于宰相李德裕 月弓力怯弱射不能及速故自古至今凡外國犯邊 以麥豆准備戰關又金人所長者在弧矢之利而 以仲夏月發兵出其意外 日嘗備引杜牧之論具劄子 知兵善論事宜虚言哉臣於紹與二年十 折膠童馬免乳之際與之較勝負故敗多勝 日漢代匈奴率以秋冬當邊 舉無遺類矣嗚呼世 陳奏次日進呈之 F

金岁世人 白書

懷之界臣一一條陳于後伏望唇明深思熟計廣詢博 時密與大臣決策定議陰較大將速為之備於今年四 復為邊患臣願陛下畬發客斷乘此機會有不可失之 方議和未服及此去歲秋末朝廷再遣使入北去請和 聖諭以為夏月舉兵乃周宣王六月北伐之意也然時 豫賊之子已與金即引兵過淮信義俱棄可知矣然 初舉兵北伐若乃進兵之路超汴之計供餉之方招 和議豈可憑信在我之計豈可中已縱令今年秋末 出等長

臣本東北人自中原淪陷以來傅開京西路殘破為甚 訪施行乞賜看察 金月四月 全書 京畿次之惟京東路河北東路不曾經兵火百姓按堵 意之際舉兵北伐必有大功縱未能盡有其地亦可以 祖宗德澤感民之所致若乘斯民溪望之深出敵人 如情涨苦于劉豫苛虐思望本朝之心至今未冺茲盖 人心慰民望也臣已條其今年四月舉兵之策矣臣 論分道進兵之策

師 宓 企 貞統兵二萬 で 望王師 至青滩 即 萬人 於即今所 肚豪 四州梅南京至汴京 由 州以張 口久 州 明 十原 駐 有 州 里注 **摶顺吕府陳州** 聲 趁 戰兵數內差 至必望風而下 又容 回 今 州 14 勢此兵不可深 年 百到 為應拨 濰 四月内 二 十 州 開原 陸 Ļ 注 撥五萬人選大將 Ł 則京西北 其 到路 別選大將 又遣 便 仼 糧 風泛海前去攻 梭 青 入パ 福仍差大 州百 糧運製 將 ·六 路 京東之 詂 員提 員統 阻 册 兵 民 但

**多** 玩匠母全書 亦可下惟是中較大將所至不得殺人不得劫掠務要 為我有者盖謂是也乙賜香察 為衆推伏者主管事務七八月間且班師過淮次年復 之外更不行青苗預買之法所下州縣選差逐處豪傑 宣諭朝廷德意蠲除劉豫一切之政明出黄榜除二税 出臣已於去年十二月二十八日具奏兵法所謂彼 我出彼出我入不二三年間中原之地黄河以南必先 論運糧供軍事

馬 臣契勘臣已條具分三路進兵以窺中原事具糧食 台 \*\*\*\* 可因実 每人日支米二升二萬人每日合支米四百石一 分項應副一 令海紅附帶前去到密州极橋鎮左右住岸則有糧 不患乏糧 有軍糧由 曾原 萬二千石臣乞於明州支上件米充一月之 簽注 1:11 排容 也 项 楚原 極州 州注 自明州由海道超沂客州兵二萬 米界 淮 運圧 河水運可到濠州岸下則 糧鄉 易子 糧至深 項駐軍濠州策應入界 州河 城族 門祭 È 卸水 惟是 此 項 自

膏 146 去勾 糧 題汴京之兵五萬人緣四 飮 石前 十日之糧 食南京以 大將軍 子 心 **指卵** 期連至 女並行軍 聚 至有糧 兵 村 百姓供應 11 迴 14. 至晓諭鄉 法 鄉 准備資給 民稍有耕 准備諸軍附帶 及處分大將 地分乞委 外外 111 村使民通 金人者並行焚毀 行軍士 種則 アイ 江浙酒臣棟選净米 11 儿 可以 汴水不通諸 £, 界 師 知 少ロ 王師 攸 因糧矣 應原 攘奪 至搜索 副注 為兼 弔 伐 軍 **松准** 斞 仍 财 提備 物 除

金月四四百十二

具奏知 年臣在政府日已定計北伐當請韓世忠到都堂諭 焚毀劉豫糧料事世忠曰此乃清野之法不可不行合 臣於建炎四年春本車駕在船與府日曾具奏韓世忠 沒心車駕進幸浙西號令諸將前去江上夾擊金人 於鎮江府江心縣升邀截住金即四太子人馬未得 具奏聞以萬來之尊仗雷霆之勢車駕所至自可以 論大兵進發日乙聖駕駐蹕鎮江府事 かりままれ

間 動人 氏方殭徳光舉兵破汴京之際大遼疆盛自古亦罕 聖東宗社有靈遂將恢復之兆也臣當考五代時 將罔敢退縮斬獲既衆金遂退師此乃皇天悔禍 到淮甸陛下奮然決策下親征之詔大駕進幸平 於先時請 行塞上其出師也自乾寧軍御樓紅 也不數年周世宗即位既然有攘卻之心親統諸 左 僕 心銷拜晕應此議未决而臣能改其事不行 射 浙告 右之行則力違于衆議去歲秋末敵騎詞云下具門之前則有去歲秋末敵騎 開 軍 那

国的四月全書

撫循戰士記遣之此帝王之盛舉也當觀漢高祖唐太 愿若夏初進兵北伐乙暫時移雖權駐鎮江訓飭大 甌欠 馬巴 てこうこ 陽修撰五代史云世宗英武之材可謂雄 取天下櫛 故北取三屬兵不血刃 較彼我非明 射何憚而不行哉乙賜屠祭 111 論 風沐雨 經 理 於决勝者孰能至哉伏望審明深思 淮 躬臨行陣况陛下天道聖武精 锏 愁禮樣 乃原 河注 間瓦 府橋 闒 'n. 津乃 雄 閣 傑具料 州高 剃 411 陟 将 閲

差文臣使之大講經理之政乃勸率鄉村於三月間 重因金人珠踐焚荡一空正當選擇守臣經理之除不 臣契助淮南東西路平原曠野皆天下之沃壤自建 植早禾六七月間成熟可濟製食比至防秋場圓果矣 可緩也夫總兵統衆破敵決戰當責武臣撫存凋察招 三年金人殘破之後居民柿少曠土彌望數百里今又 流移當用文臣欲望聖慈更命輔臣詳議可否應准 邵除溪泗州壽春府壽春縣 差武臣外其餘

金灰世月百十

尤宜選住能吏收鹽息以助軍與臣於宣和元年任太 講求羊祜治襄陽之故事踵行之其通泰州産鹽地 其東西二即可委者因任之不可委者别差官仍較令 府少卿當考推貨務入納大率淮南路入納歲得一千 見旨年所收實數盖通泰楚州産鹽浩瀚倍如浙東西 有此数事豈可不遊選守臣乎或曰金人若近邊文臣 五百萬貨浙東西歲收七八百萬貫下戶部勘當便 一可委臣對曰不然去年宣撫司曾奏武臣楚序等守

一致近四庫 全書 一 壁守禦之備若小小逐盜有兵者猶可禦桿若大敵至 輕重而圖之綏懷之略應自此始此其要也乞賜睿察 承楚四州矣金人相近望風逝去大率東南州郡無城 一當交鋒望屋存潰者是豈金人真不可敵哉我之兵不 不問文武官皆不能保守也但當較其利害大小事體 **好接戰勝員各相半惟自金人侵軼以來中國之兵未** 在陝西緣邊見中國與夏人相持前後五十年每出 論機會不可失 £ -

精耳故自宣和七年以來金人 擊退於和尚原再樂退於饒風嶺又大捷於仙人關 過江之時戰士屢經得提膽氣不怯人人皆敢迎敵 破京城又再舉而入揚州又再舉而渡大江并陝西亦 |匱無所得而遁則情見勢屈可知矣夫侵陵中國如此 歲九月直趨淮甸我師累提金人頻兵百餘日師老 失之數年以來 朝廷深究其獎修軍政備器械又金人 金人豈復能强梁横行如往年哉以近事言之吳玠初 てこうら 11 LID | 忠将集 舉而圍汴京再舉

於事臣對日不然音漢高祖入關約法三章除秦煩苛 彼出我入無大悔各乎臣皆考宣和年間國家以富有 擊則終無討伐之期矣或口得汴京而未能守何益 令民心歸之項羽雖以其地析為三秦徙高祖於漢 久侮嫚如此之甚今王師已根敵衆向衰若不發兵 然關中之地終為漢有因之以取天下况此舉必 可以示我宋不忘中國土地人民之意兼被入我出 劉豫平偕偽使中原之民知神器不可以非望得 叮

金安世西ノニー

四海之事力而戸部支费每月不過九十五萬贯 ここう ここここ 次衰老消磨既盡雖欲此向争天下亦難矣臣冒死 過悍壮實東南之人柔脆怯弱數年之後見管戰兵 分中八分係五原注臣常考谷 陛下哄哄言之乞賜春察 天下則東南民力何可支吾豈不寒心哉况中原之 即船與三年臣在政府日會計戶部經費每月 十萬貫臣閉退以來切料户部經費必有增添之 丘軍 軍下费耗夫養兵二十萬不能北向月支用十大養兵二十萬不能北向 息劈賽 臣

到另四月全書 騎兵取勝國家駐蹕東南當以舟楫取勝盖舟楫 金人之長技乃今日我之長技栗而不用可勝惜哉 管觀見錯論兵以謂中國之長技五匈奴之長技 北來之人皆云南方木性與水相宜故海舟以福 巴乙舟師二萬照應北伐之兵矣臣皆廣行詢問海 管不軟服錯之 為上廣東西船次之温明州船又次之北方之木 舟楫之利 知兵也以今日論之金人便鞍馬每 者

詢 濱 通 É 郡 知海道可往去 臣自少壮時過 涫 際天以舟楫之 能 相宜海水鹹苦能害木性故舟 由登 商 一架風濤往往有覆狗之患今者國家與金 此船 旅り 客注 道昨 販海旅滩 至趙鹽道此家 行地南登 (走) 處是宜大請海船之利以擾偽齊京 浆 11 真嗣 徑分 國馬蘇政 利賜我助中與之大業朝廷當訪 青 西浙京東河北及 至 敵 客州 州皆 展州ネク 界使 詂 极海 **业女** 橋道 分原 鎮地 今當聚 船 Ÿ 下 敵中沿海地 抑自 契 入海不能 丹 河 宋 **瞥**平 北諸 恺 高 而士 限州 郡 相 自地注原

金とせんるす 遣 山所論齊 海 接戰将兵投 不肯臣到豫之人在海山間聚聚屢與豫賊相抗 也 船於明 士後來為兵官當屠戮金人留在青州 京、 東界 邦所 州岸下 在青州為 月 市 则 所 全 糧前去沂密州 極喜之可遣 跣 在 装鐵甲使之北去范温者本京 薊 冒 先補船主梢 太二 将官數年 有 B 糧 糧 仍選差曾在京 也王進本係登州 問與金 沔原 去注 官 處京 亦 信原 於青 如河淅北 郎注 漏 可 州

無治瀚之費到沒省東北之糧萬全之計豈可緩哉气 於諸軍中補足二萬人之數遣行所至去處遇偽齊海 軍若盡行刻刷歸范温處約得五千人已一 到時有兵六千人後來併入中軍或汰往諸州軍充廂 計准邦弼下有兵約三千人王進下約二千人范温初 可遣也臣自離朝廷不知諸將下見管人兵之数盗 風乃歸金人雖有鐵騎百萬必不能禦夫此行在我 可用者即留之其不可用者即焚之趁南風而去得 7 1.1 7 E 一萬人矣

計故 臣當考古之帝王舉大事次大議謀不可不廣而斷不 賜睿察 金片四月全書 市意合一 不獨晉武帝欲伐吳羣臣以謂未可惟張華賛成其 樂而平江表店憲宗欲伐祭衆議排沮惟裴度 論并謀獨斷事 舉而擒吳元濟韓愈領其功曰凡此蔡功 医二

武之資方金人退兵之際首以善後之計

下詢於前室

一斷乃成不赦不疑由天子明是也今陛下以聖明英

莫如自治或以謂來則拒之去則勿追乃禦我之道人 若不舉兵則必不能還二聖復中原牵制川陝敵兵絡 酌今日之勢孰利孰害孰緩孰急是非可否在聖主獨 興三年春臣已定計北伐樞密院機速房具有案底遇 ていつ。 ハンド 保江南或欲經理淮甸或欲堅守和議或以謂上策 所見既不同則議論必不一若夫格考已然之事斟 臣料諸臣者或以謂當用兵或以謂不當用兵或欲 而已臣事陛下之久出入將相踰五年平日當以謂 忠穆集 ナバ

金火にんろう 今又二年矣夫敵情反復近尤難測其操心堅忍必欲 潘致完高公館自足瑪哈處奉使回恐害和議其事中報 今其去也必大為之備秋冬間若本國別無牽制必舉 吞噬我國家陛下屈已極矣去秋忽然兵至其意不淺 動有成功臣年已衰老待盡於畎畝間妄陳所見不中 訂禁從博訪卿士謀及庶人謀及卜筮所貴處無遗策 安而忘此向争天下事萬一欲舉兵更乞質諸大臣然 兵南來或併兵以窺四川在我之計决不可尚暫時之

炎元年至今前後所遣使命差守文虚中王倫朱升郭 臣契勘自金人構難以來天下之論或以謂必講和議 元邁魏行可崔縱洪皓襲璃張邵單前後祈請非不切 良臣相繼、 或以謂必須用兵二說膠擾曾無一定之論伏覩自建 至近又造潘致堯高公館韓肖胃胡松年章誼孫近魏 ここううことにする 機惟陛下故具萬死乞賜客察 貼黄 入國籍料金人國書必無果决之言亦有難 忠傳集

金人工匠石書 天舉之策置而不用可也如和議决不可成則臣衰愚 從之請站欲致我爾伏望聖明深賜洞察祈請十年 無顯效勘量和議可成或不可成如和議可成則臣乙 之言或可備收採謹具奏知 間敵騎必再來所費愈不質矣况此舉乃因糧之策無 用未充未能大學臣曰不然若各惜用兵之費則秋冬 臣恐今日士論或以謂金人纔退我國家事力未全財 又貼黄

... 7:17 爾謹具奏知 起轉集

				國历四日全書
				<b>&amp;</b> -
]				

欽定四庫全書非部

詳校官庶吉士臣明圖禮 主事臣吕雲棟覆勘

腃 朓 録貢生日湯逢泰 録監生臣尹大謙

安忍不為陛下别白詳言之臣竊改祖宗留意人才雖糜骨粉身亦恐未能圖報天地父母之德苟有所 とこつき こう 欽定四庫全書 除右僕射乞 官以來行累朝輔 難粗立功效捏 )復元祐臣係恩數劉子 忠厚集 展之 報天地父母之德苟有所見 輔臣敢不仰體眷禮侵 知兹者又蒙聖恩為臣 吕颐浩 挳

園逐衣食不繼好於遐荒海橋者甚多子孫禁鎖貧悴 果仰思二聖之心瞻念陵寢恢復境土則未始一日 而 異常人至於今竟之而此革忍為是舉豈不有負國家 之徒各快私意以忠為邪以邪為忠将元祐諸人累更 越前代是以元祐問名儒鉅公相繼而出人亦各盡已 耶臣區區愚見今陛下六飛雖暫駐吳會然臣恭料震 長陛下聖學高明博觀圖史此不能逃唇鑒矣是惟王 安石首先變亂祖宗法度紹聖問章惇蔡京蔡卡兄弟

台ラビアと言言

欠こり声 幾南來之族無不感戴鴻覆之澤在北界之家亦知陛 並例復原授官爵子孫合陳乞恩數照應格法放行庶 僭率貸其狂妄将元祐臣僚令有可條具曾經遷請之人 者亦多欲乞聖慈原獨照之明廣好生之惠不以臣為 忘也如元祐諸人經隔歲月並未曾追復官職依條格 後捨鄉里墳墓隨車駕南來者甚衆然尚有淪陷北界 合得恩數亦不曽給付雖其間有子孫族屬緣兵火之 下懷思中原淪陷名臣之族痛念向來皆由姦邪誤國 忠穆集

原府仍除宣徽南院使後因歐陽修力辭太原依舊 皆戴陛下矣冒瀆天聰臣無任惶懼戰慄之至取進止 臣契勘神宗皇帝照寧問以觀文殿學士歐陽修知太 更望膚恋不下臣此章只作聖意批出庶幾遠遍存 之家子孫用之則本朝所失愈多後雖欲為亦無及矣 得不銘佩陛下耶臣今所乞亦恐敵情叵測先將元祐 宗社播遷而一朝盡還其父祖官爵恩澤人非本石安 貼黄

卷三

後徒俸路開室執子弟職除貼職天下指目不特為 臣伏親進奏院報狀臣長男抗次男無並蒙聖恩除職 乞改除 傅之命有此體例臣蒙陛下眷遇之深倘未容納禄 名賜章服者臣聞命震驚不知所措臣竊惟祖宗以來 一殿學士知蔡州祖宗故事灼然可致臣今日辭免 我子弟不敢使之應舉恐其與寒畯爭進自宣和之 į 辭免男職名劉子 一階官外任宫祠乞賜齊察 忠穹课

蘇免外續准進奏院報兩男並除直私閣主管萬壽觀 議不容至今尚為逐人終身之害亦可以為戒矣况臣 臣伏親進奏院報臣兩男並蒙除職名章服者臣具奏 指揮寢罷取進止 臣病中忽聞此命惶惑增甚伏望聖慈是察血誠特降 一男前後所得差遣並係臣未執政及罷政之日除授 緋魚袋并姓挺改合入官者竊惟自古輔弱有力 第二割子

金好四月五書

冬三

将男抗旗直秘問賜章服主管萬壽觀及姪挺特改官 言雖天譴之未加諒鬼瞰之可必伏望聖慈特降處分 功不補於毫釐敢意天慈横加罷數倘敢冒授必致煩 勞處澤所加一門華顯然當時難逃指議旋題不免招 臣早來奏事面奉聖古日下赴都堂治事臣即時己恭 指揮並行寝 罷取進止 憂况如臣者本之技能素無望實出入屢淹於歲月事 辭免赴都堂治事劉子

10 mm 1.4.

忠穆集

事臣方敢起發令若留朝廷則眾議必以謂夤緣疾病 奏乞且往江東再奏聖古令依己降指揮發赴行在奏 肯超事赴功為國禦敵此一事也臣昨被召命尋即具 秋之際泉人避事之時臣若不身先諸將再往江上歌 依仍具榜子奏聞外臣軟陳愚誠仰干洪造臣非蒙聖慈 金罗巴西 白電 遂免江淮之行復涉避事之嫌此又一事也伏望聖慈 差都督江淮等路諸軍事緣臣疾病未施薄劾方此防 特降處分許臣且往江東與防秋過日倘未願曆足可

臣五月二十九日有入内内侍省内侍殿頭春思殿祗 仰備驅策取進止 應黃房節到饒州伏蒙聖慈賜臣御筆一封除已具表 任江東安撫制置大使日乞官觀割

之言臣伏讀至此不勝感咽流涕臣齒髮哀暮疾病餘 奏聞外臣草芥微生仰蒙聖眷優異訓詞温厚至有卿 其體朕始終之遇憫時艱難之極亟出視事以卒大功

生迫切之誠不能自己須至再具奏陳臣自蒙陛下

というと

蒙聖明照察肝膽臣自去年五六月問因乘海舟來往 城門得御筆追回今蒙聖訓以謂臣決無避事之意仰 用以來凡遇金人侵軼未當不自請提兵乞與諸將前 甲胄整備御營使司人馬欲去擒賊逮至質明臣已到 作過於虎印山臣恐中夜震驚聖聰不敢逐奏遂親樣 允前年十月末聖駕駐蹕平江府巨師古下偏将兼隆 去迎敵去年正月間在台州港臣屢乞總兵前去臨安 府構城之虚陛下不忍使臣蹈危險之地賜以御筆

多好四月全書

**必難勝此責任伏望聖慈檢會臣累奏落鎮南軍節度** 江 臣比者以罪罷政伏蒙聖慈貸其罪戾不數月差知池 使開府儀同三司带元舊階官外官觀一次取進止 分閣遠又無壽春府滌豪等州自揆心力非往時之比 冒暑致疾去冬今春暴露累月氣血虚羸小有勞動 仍今赴行在奏事記之任近時军執罷政之後無此 松健忘衆疾乘之不易將理今在假己月餘本路地 辭免知池州乞官觀劄

籍兵则 劇 鑒所見池州今係控扼重地深恐老病之人不能當此 異數恭惟天地父母之恩没齒無以論報緣有句誠 具聞奏臣年已六十今夏一病幾至委頓形體哀贏聖 渡江恐不能控扼又臣素無將佐亦無部曲雖有烏 給朝廷則朝廷事力臣所素知今日必難應副若不 難以分樣使與緣本路却掠之後錢糧單匮若一 任無建康一路浴江地分最為闊遠若不得兵五萬 不惟 難以捍禦金人江北大冠動至數萬不 合 测

金好四屆在書

政不敢如周望不能辦宣撫司職任而謬膺委寄致誤 國事伏望聖慈察臣平日曾與兵政不角辭難念臣疾 之眾而無正兵相制緩急亦難使喚臣生長東北在陕 臣依舊官觀取進止 病餘生已老垂盡改差近上統制官為江東路即臣許 西河北極邊住官二十餘年出入行陣十餘次粗知兵 臣伏奉制命除臣尚書左僕射者臣裒朽之質昨任江 辭免少保左僕射劄

多烷四库全書 授重念臣大病之後氣體虚贏才不能酬機務之繁力 而來近方朝見豈期聖鑒俯察孤忠曾未浹旬有此除 東即臣累具奏聞乞除外任一官觀忽被召命俾赴行 **旅恆之敢當伏望聖慈於念愚誠追還成命敷求人傑** 不能任今日之責垂老且悴己試無功加以驟陞亞保 寅亮天工取進止 之崇資再畀東臺之重寄皆近時稀闊之盛禮豈愚臣 取時超起不敢就道緣累有中使傳記促行臣力·疾 

恩宣押赴都堂治事臣雖遇勉供職自覺支持不前伏 龄取進止 望聖慈曲賜春察除臣一官觀差遣稍親藥石或保餘 福過災生累月以來疾疾屢作比乞官觀差遣伏蒙聖 臣以哀邁愚陋之資蒙陛下置之宰輔之任罪多效淺 臣昨日具表聞奏以臣哀老乞罷政除一在外官觀 こうし 任左僕射乞宮觀劄子 忠宗焦

重念臣年六十有三疾病厄殘思慮迂暗艱難之際不 能勝機務之重豈敢愛身恐誤國事伏望聖慈早降處 延環慶等路每見出師用兵成功則賞敗事則罸罕 分除臣一官觀差遣任便居住取進止 伏蒙聖恩宣押隨班起居奏事臣一介賤微無可比喻 **劉 鲁蒙朝廷降下付臣契勘臣三十年前曾在陕西郡** 臣前任江淮兩淅制置使日緣李安奏乞降空名告敕 乞免給降空名告敕劉子

多事每週出兵過有要求多乞空名告劄軍前書填與 府洞霄官任便居住者聞命震懼莫知所安臣本乏寸 之士令乞將所降空名敕告等更不給降若實有功之 給降空名告教劉自童費開邊後來統制官乘國家 親舊技術無功之人致名器太輕無以激勸赴功力戰 臣伏蒙聖恩授臣依前特進觀文殿大學士提舉臨安 人即具姓名保奏乞從朝廷推恩庶草僥冒豈勝幸甚 辭免觀文殿大學士劄子 忠罗原

長早緣遭遇切塵二府僅及四年報國無涓埃之微論 畀祠官之禄惟私殿之峻職實本朝之寵名仰與聖慈 罪有印山之積仰蒙覆照曲賜保全既寬斧鉞之誅又 館大學士一員無監修國史一員為集賢殿大學士若 者臣竊以祖宗朝宰相各無館殿之職以一員為昭文 臣准尚書省劉子三省同奉聖古差臣無提舉修國史 俯察微惧追還成命以穆師言取進止 條具無提舉修國史劉子

とこうう 取進止 慈命有司詳悉契勘即今有無合修正史外伏自陛下 差右僕射由元祐至於宣和遵用此制臣伏蒙聖恩差 官制以來並罷但以左僕射提舉修國史左僕射關即 監修國史關即昭文館大學士無領自元豐年問更改 臣無提舉修國史縁稽之典故有合討論事件欲望聖 下有司者詳如合先次修纂即乞改命輔臣以允公議 御以來 編修日歷一事 在今日誠為闕與亦望聖慈 忠穆集

修國史盖緣元祐年問既有國史院係編修日歷有修 金少山月月十 史官亦係范祖禹屬官張來等令來若只修日歷合與 撰官係范祖禹又别有修國史院修神宗皇帝正史修 臣契勘元祐問范祖禹為翰林學士無國史院修撰無 不合带提舉修國史亦乞下有司討論乞賜睿察 臣聞陸勢曰國不能馭將將不能馭兵乃大亂之道昔 擬進郭子儀李晟列傳劉子 貼黄

累世昌盛謹繕寫逐人列傳為一冊進呈伏望聖慈明 諸將頤指如意王師所在秋毫無犯今敵人方殭兵草 劔耳是以太祖太宗平蜀平江南下吳越下河東指揮 太祖皇帝有言曰吾遇将士不吝爵赏茍犯吾法特有 てい !!!!! 将即亦有無窮之福不然則非特國家之利害將即亦 未息倘國能取將將能取兵則不惟國家有無疆之休 又循規矩道禮法者莫如郭子儀李晟故其慶澤所鍾 不能逃禍矣臣常考近世將即事上盡忠持軍嚴整而

恩家康

金好四月全書 **蒙朝廷两次除授提舉茶鹽緣臣復叨輔弼不魯到任** 部有司寫録十餘册以賜諸統制官使之関視亦動激 添差浙東提舉茶鹽並賜寢罷取進止 例至於遷陞職名尤為非據伏望聖慈将男直敬敵閣 今來 椒曆選除光致煩言兼恐祖宗以來未有似此體 伏念臣男祇人才凡陋學祈空疎臣項年罷政在外 端也取進止 辭免男抗恩命劉子 鲜

添差通判之類至於監司未嘗添差令以臣男首開此 金石內外臣僚孰敢干紊比年以來因天下多事乃有 如抱水炭須至牢辭臣契勘祖宗以來官有異訓堅若 臣昨日已具奏辭免男抗恩命緣於義未安五情震恐 端臣為舊弼日親此事戰懼怔忪疾勢增劇伏望聖慈 将男抗恩命並行寢罷取進止 第二劄子 陳乞亢早待罪劉子 出門集

和理之氣乃夏秋之交不雨嘉穀方茂而將楊雲氣屢 臣輔政無功不能助陛下慰安元元上當天心振萬物 而至化未宣氣應非效壅關湛恩其各在臣合從罷斥 覆而復收殆陛下有膏澤天下之心有惠養小民之實 臣准尚書省劉子三省同奉聖古除臣荆湖南路安撫 望聖慈速降處分取進止 以塞災異之變臣更不敢隨班起居及赴都堂治事伏 辭免知潭州劉子

金分四月全書

卷三

官觀強疾病稍平别圖補報取進止 輯 唇斷付之一路湖南劇部大盗方平必頼能者使之 言仰賴天慈特加保庇竊禄祠館以便養疾今者復蒙 驚莫知所措臣猥以非才兩司釣軸人做任重薦致煩 功 深恐仰誤陛下寄委欲望聖慈於恤血誠許臣依舊 置大使兼知潭州不候授告前去之任者臣開命震 臣風有氣痛之疾比因初寒舊疾發動難以趣事赴 第 二智、子

金京四月全書 宜不允依已降指揮日限起發之任臣有血誠須至冒 臣伏蒙聖恩除前件差遣尋具奏辭免伏奉詔書所請 食顏兹贏瘵之資何以克勝責任倘或一誤使令又致 言但湖南一路西連巴蜀北控江湖大冠初平年饑 明屢更器使今兹晚景疾病之餘仰荷陛下日月照臨 之德起於開廢之中付以方面之寄感恩深厚九殞何 力盡瘁以報國建其哀悴之後間退以乞身臣遭遇春 死再干天聽臣觀古人事君之道方其殭壮之時必竭

昏不堪驅策伏望聖慈貸其大馬已疲之力保其螻蟻 拔首尾八年未曾避一事祗緣年已六十有五思慮耗 ていてい ここ () 祇受託臣危迫之怨不避刑誅上賣冕旅之聽臣年已 宜不允不得再有陳請疾速前去之任臣已望嗣部恩 臣近具奏辭免前件差遣乞依舊官觀續奉韶書所請 華盡之生別擇能臣使當間寄俾臣依舊宫觀取進止 人言微臣何施面目重念臣自陛下臨御以來蚤蒙簡 第三劄子 - 忠彦集

**今湖南一路年殼雖不登然大寇己平招徠流移撫綏** 冒矢石之訓則臣未當避事仰荷陛下聖知葢有素矣 六十五歲方肚少之時在西北沿邊凡二十年屢統兵 疲瘵 在臣之義豈敢辭難但臣自到台州以寓居早濕 相持蒙陛下親灑宸翰俯賜崇獎至有卿躬臨行陣親 将被堅執銳筋力早東紹與二年在左蟊下寒與李成 得氣痛之疾調理未効春初一子已長立因病淪謝憂 患相仍宿疾再作方面之寄必難勝任伏望聖慈於

金河口屋 有書

昨自右僕射除金紫光禄大夫尚書左僕射臣力陳故 臣近具辭免少保兼行官留守續奉詔書所乞不允臣 提舉洞霄宫取進止 臣哀殘之久力賜保全别擇循良付以一路仰臣依舊 事乞納七官止帶通議大夫紹與元年除少保尚書左 )望闕謝恩臣契勘行宫留守職事臣己恭依聖古供 外所有除授少保誠以四冒太過於分難安伏念臣 辭免少保劄子

多定四库全書 之分已是踰涯竊惟陛下臨御以來内外文臣未當有 之請仰蒙聖鑒於念孤蹤付以便藩兼司留鑰臣哀道 志氣彫落永流湖外選報效之養然代置浙西顧分毫 僕射臣又固辭乃授特進速及今經隔六年已迫桑榆 之未展是宜澄汰敢意甄陞比於賜對之初已有乞骸 迫切之態察臣問退之心使之福過而災生曷若惡盈 此除授豈容垂白之人當此非常之寵伏望聖慈念臣 而知止收還成命以協與議取進止 

德意令出栗賑糶人人聽從稍濟艱食又多方勘率 餓殍相望賊徒充斥臣恭依聖訓召到鄉村上户具宣 促赴任臣不敢固辭遂倍道兼程於二月二十八日到 移之人使之還業耕植漸廣偶幸雨場以時年報豐熟 以年老多病累具辭免尋奉御筆處分以湖南早荒惟 臣軟有誠怨上干天聽臣去年十月內蒙恩除授令任 初至之日斗米一貫五六百文人民阻機老稚轉徒 乞宫觀劉子 巴男具

憐臣六十六歲自夏涉秋胖疾大作目視昏闇心苦 怔 金写 正歷 全書 捕幾盡一 今則新米每斗四百文倉米每斗三百文諸處盗賊招 因金人入邊飲食不時因得嘔吐之疾自此每歲時 臣聊具愚誠上賣淵聽伏念臣昨任河北路都轉運使 松常恐顛仆有誤寄委許臣納鎮南軍節度使旄印 一近下階官外任官觀一次取進止 路寧息即司職事人人皆可辦集伏望聖慈 卷三

念臣已迫崦嵫虺 悴摧殘必誤寄委特軫唇慈蚤降處 分又還旄印除臣一在外宫觀取進止 臣自五月十一日至平江即苦蹇疾二十三日至鎮江 十七歲在於禮與南合致仕伏望陛下憐臣久從羈縛 疾勢加甚不免歇泊醫治今月初三日瘧疾雖止飲 發近因冒寒宿疾再作欲在假将治則留司職事無 權管不免扶病入省勞動氣血幾至顛踣重念臣六 P. 05 F.

免且留鎮江醫治欲望聖慈察其哀病以臣職事改命 去建康未得凡百備禦措置後時必失機會上員陛下 重任除臣一在外官觀差遣以便醫治取進止 起居全未復舊至初九日蒙聖慈差到醫官樊彦端方 未即安愈緣臣職住所繫非輕今來防秋不遠臣既前 三兩日間病勢稍愈即力疾前去建康如尚未痊臧 調治問於初十日早寒熱再作贏为難堪切慮淹延 以委付之意臣若止留鎮江調治誠恐招置人言倘

多好四库全書

V

表三

推天地生成之恩檢會臣前奏除臣一外任官觀或許 臣近以年老疾病乞在外官觀伏奉詔書不允所請臣 係屬內地別無邊防臣精力已疲實難勉殭伏望聖慈 難以復被驅策令雖防秋之際未是丐開之時然臨安 經艱厄身有金瘡復陷敵境因此得疾適來發作頗頻 有血誠再干天聽伏念臣自紹聖元年蒙恩賜第久在 河北陕西仕宦三十餘年累任劇邊差遣出入行陣薦 忠學集

覺兩臂沉重言語寒溢疑是風疾遂召醫官陸近評脉 臣輙具忱誠仰干天聽臣於今十六日因治事之際忽 誠意迫切不覺煩漬歷血叩閣俯伏待罪取進止 臣納節致仕庶幾犬馬將盡之年猶獲覆露保全之德 風證所作與臣靈實丹及祛風散煎服之又令醫官杜 係是風證調理兩日不效遂召醫官王繼先看視亦云 **楫熙穴灼艾灸十餘處木見如舊今則思慮不寧心神** 乞致仕劄子

金好四月全書

卷三

置大便兼知臨安府兼行官留守聞命震騰莫知所 臣伏蒙聖恩特授臣少保依前官充雨浙西路安撫制 恍惚少有勞動疾疾增加臣自料虚風所中必不能日 措臣奮身寒素禀性嗣愚親逢上聖之作與首冠羣賢 而進用被遇恩祭者一紀出入將相者十年報國無功協 近平復伏望聖慈檢會臣前後累奏乞收還旄印除臣 一近下階官致仕取進止 辭免少保兼行宮留守劉子

取進止 慈憐其悃愊之誠大擴照臨之德收還成命庶獲少安 其告老之章谕以委任之意感深陨涕愧極汗顔惟亞 賜對於嚴宸力乞退歸於農畝仰紫淵造俯念孤忠卻 躬有罪令者年齡已迫於運幕疾病久困於尪殘比因 臣伏奉聖古除臣兩浙西路安撫制置大使兼知臨安 保之崇資兼留都之重寄豈容凡陋所克欽承伏望聖 蘇免知臨安府乞宫觀劉

銀定四库全書

除臣一 筋力彫殘深慮臨安府係行官所在應辦事煩非臣匹 乏潭湘将及一年 甲濕之地疾病易生見今中乾下痢 慈俯賜記錄除臣要藩天恩厚深萬死莫酬伏念臣承 謝恩恭依聖古赴行在所奏事外臣哀老餘生上荷聖 府不候授告先次赴行在奏事乾發赴新任臣己望闕 2.10.2 1.1. 瘁之資所能勝任伏望睿慈檢會臣去年八月內所 驅策取進止 一宫觀庶獲少就休養倘能可以支持異日或備 忠够集 Ŧ

歲之儀上聖來四海之助禮成姓王慶協天人爰逮守 已上殿記臣契勘紹聖問日惠即因差知延安府過闕 臣不敢久留行在伏望聖慈早降處分謹具奏知 運留兩旬致臺章論列惠卿不即赴任意在規圖柄用 臣伏蒙聖恩進封臣成國公加食邑實封者合官講三 臣契勘臣係前两府伏蒙聖恩許令赴行在奏事早來 辭免大禮進封成國公東加恩劉子 貼黄

之龍行户封之真實增井邑之爰田裂地疏封切榮過 作恭先於天下姓赴虎雜之士振振駕鳴之班肅爾駿 臣亦蒙繁社軟殫悯幅仰瀆庵明竊以大怒祀於明堂 成命於己行庶頹齡之可保取進止 奔翼然顯相如臣者崦嵫暮景蒲柳哀殘捧豆侍祠阻 溥臨如天廣覆察臣爵位之已極念臣涼薄之難勝收 厚虚受益深於配面投誠敢惮於循牆伏望陛下若日 陪盛祀充庭獻力有愧羣工敢圖浜汗之頒亦預加恩 Ē

金好也是有意 使充江南東路安無制置大使兼知建康府兼行宫留 言蹇溢又因寒濕臟腑洞下飲食頓减臣已披誠瀝仰 哀暮得疾不輕樂石難效日益增重見今口角喎斜語 致仕至正月初七日蒙聖恩詔赴行在所奏事臣年齡 守者伏念臣自去年十二月十六日忽感風疾乞納節 臣准尚書省劉子已降制除臣少傅鎮南定江軍節度 **凟威尊天聴髙遠未賜於察方朝夕戰慄強命之際忽** 辭免除少傅两鎮建康府劉子

臣若祗在此乞賜殘骸則久稽詔令百死莫贖臣恭聞 量愚分凡被使令不敢不盡瘁今疾病至深難保旦幕 即 到巡章所至欲望特降指揮差官相驗臣疾病實狀堪 車駕用二月七日自建康進發臣己力疾前去不數 拜異恩禮過之厚感極涕零竊念臣草芥之賤平日不 2: 1: 不堪任使底幾螻蟻微誠得蒙聖明照知前後所陳 非誕妄取進止 免少傅兩鎮劄子 忠廖係 7 4

進止 性禀卷愚比者被命造朝蒙恩引對恭承聖眷存無再 任便居住者臣開命震駭跼蹐不遑伏念臣器資窳 臣伏蒙聖恩除臣少傳鎮南定江軍節度使體泉觀使 望聖慈於念血誠收還成命檢會元奏乞納節致仕 康有此除授今來臣緣疾病力乞休致豈敢叨冒以速 人言况臣哀病餘生沉疴未愈倘若祇受必致顛臍 三感咽之深涕淚橫臆臣契勘上件恩命本為差知建 恆

金月四月全書

禄所以彌世名器不可假人倘受授之非宜必顛曆而 **唇訓猶悶俞音敢再貢於忱辭庶必回於聰聽臣聞** 臣伏奉詔書以臣辭免少傳兩鎮恩命不允者臣伏祗 莫保當考本朝自有國以來文臣未當除授兩鎮列聖 臣久竊寵榮粗知庶恥既辭劇任退養沉疴而乃冒亞 四朝大老如文彦博皆不敢受顧臣何者乃越奏章况 遵守故事具存在神宗時兩朝定策如韓琦在哲宗時 第二劄子 Ŧ

家伏望聖慈檢會臣己奏事理次還上件恩命仍許 傅之隆名東元我之雙節縱臣心之不愧豈公議之 餘不允不許再有陳請者此益陛下俯納臣言以其有 陷官致仕續奉詔書所乞辭免定江軍節度使可依奏 臣近再具奏辭免少傅兩鎮乞納鎮南軍節鉞改授 止 納節改授一階官致仕庶幾不至湍盈狼寬哀病取進 第三劄子 可 臣

金月四月全書

違故事不可報加兩鎮聽解其一而三孤極品猶伊幸 甘竢誅殛臣昨先以疾病乞納節致仕屢形奏瀆未奉 而義有未安情不敢已為陳惧個疊犯雷運煩潰再三 待遇始終之意可謂厚矣臣即合祗禀睿訓拜服恩章 遷節鐵盛儀姑仍舊領所以寵光愚臣無所不至陛下 别無疾恙可以勉副驅策則亦何敢固辭及臣扶病就 道/獲對清光幸蒙陛下憫其哀瘁特免重寄雖未容納 俞音忽降制書除守建康緣有此任使故加恩數向令臣 起多集

便令建康之任乃因病免己負素心矧敢遂冒所加恩 俯伏感泛圖報無期顏臣平昔事國未當辭難軟求自 母生成之大德苟未填溝壑則向去餘年皆陛下所賜 禄而授以醴泉觀使伴得退養沉疴仰荷陛下天地父 重以艱虞多事之際爵位名器正欲待功而勘勞今乃 居上乖陛下礪世磨鈍之方下增愚臣貪得無厭之 數因以為已利乎非特人言可畏在於神理亦將不容 使臣據保傅之絕班食祠宫之厚禄擁旄仗鉞即疾家

金罗四屋全書

改授一 **播紳有識其將謂何事干國體臣何足道伏望聖慈詳** 不可逃尚恃皇明終賜释察取進止 酌特降唇古檢會臣前奏收還少傅制命并許臣納節 有陳請者薦煩鐫諭深切驚惶敢恃眷私重陳危悃 臣准詔書以臣三具劄子乞檢會臣前奏收還少傅制 并許臣納節改授一 **階官致仕庶寬咎罰獲保殘驅臣稽違詔旨罪** 第四劄子 一階官致仕所請不允仍不許 忠罗陈 Ī 臣 再

昨緣抱病先請休官會除守金陵旋蒙於免則其所加 恩數豈可虚受益嘗紊瀆睿聽至於再三臣詞已窮尚 **厌望聖慈衣憐裁察特降齊古檢會臣累奏施行所有** 非所據之位被優渥不應得之寵倘貪榮而不止則速 瘧痢繼作皮骨僅存藥艾交攻形神俱俶而猶處隆髙 復何說爾臣年哀氣索福過招災涉夏以來病驅益態 禍而愈深雖無人非必有鬼責竊惟陛下平昔待遇之 厚始終保全不忍使至於此是用軟稽威命更瀝血誠

金好四月月十

とこうう 將養百餘日方始少安而氣血已東瘧痢繼作直至冬 被告君父臣自去年三月到台州不交人事屏絕思慮 讀再三出自唇斷臣哀老垂盡之人荷淵表齒記之厚 素望不能任此可即日就道俟到面議當處畫事臣伏 臣今月十四日奉親筆處分朕以陕西重寄非卿宿德 告命臣終不敢祗受取進止 披味至此不覺涕流緣事關利害不敢愛惜殘生須至 解免陕西割子 己多味

将佐臣之所以深慮決不能勝陕西重寄也臣又讀聖 必多在道途之遠恐致勞動豈不上誤國事何以彈壓 馬幾至顏路十目所視不敢欺天若當國家責任思慮 深方始漸愈然病不除所感風邪時時發動每次則語 屈羣策以安新附之邦遂有此處分日後若因聖問陕 訓令臣即日就道面議處畫事尤見陛下大德為謙 言蹇凝累日昏塞臣壯年性便鞍馬日馳百里去年十 月間欲試乘騎因往益竹觀烧香行至中途不覺墜

必致有誤國事萬萬無疑伏望聖明曲加擊恤特降 回天聽臣昨緣大病之後猶未復常頗頓東殘不堪任 臣准進奏院報已降指揮差中使宣押臣赴行在者臣 分免臣此行庶幾不致敗事取進止 去陕西則年齡哀暮疾病尪殘實不能勉殭縱令到官 西利害臣苟有所見尚可以思索節次聞奏若使臣 前 體春私必將起用俯循唇懦愈切沒兢更露愚東庶 第二割子

**慮因緣復成大病見今醫工調治倘旦夕未效又須灼** 知所為致舊疾發動暴作下痢精神恍惚心志不寧竊 恩古以來自度不能上副陛下使令之意夙夜爱懼不 事已累具奏乞罷召命不敢喋喋重賣聖聰而臣自聞 若淹留使命稽違詔古雖伏斧鎖何以塞責是以不避 父顧臣乃以憂畏在心疾勢復來未可遽任道途之役 召又煩遣中使宣押在臣子之情豈不願陳力一報 君 艾其勢未能就道伏念臣素荷國恩久違軒陛令蒙促

對定四庫全書

召臣捧詔戰恐泣涕無從伏念臣贏病之驅心之精微 處分許臣納節致仕今月二十二日再奉親筆催促赴 生之賜取進止 **首寝罷召命追還中使稍得安養實陛下天地父母再** 萬死再此披誠伏望聖慈憫憐哀朽疾病如此特降虧 召指揮仍乞檢會臣未被召以前累具奏陳事理特降 臣近准親筆召赴行在奏事臣以疾病具奏乞寢罷赴 辭免赴召乞納節致仕劄子

とこうう

1.1.1

忠穆集

惠臣以疾病未能就道仰蒙天地父母哀憐尚寬顯戮 ならとた イコー **(策雖親臨行陣冒犯矢石猶不畏避者以殭壯無病可** 言不速意不能感悟天心仰煩聖造再御翰墨鐫諭哀 版曹寝膺祭遇出入将相逮今十年晚景殘齡倘可以 臣伏自思念陛下踐作之初首降詔命俾赴行朝繼擢 具辭免者以六十八歲之殘生忽感風疾手足戰掉醫 以任事故也今來召赴行在奏事乃臣子之至榮而累 仰報國家一身豈可畏避重念臣事陛下日久平時驅

つ うり 填溝壑尚或少圖報刻取進止 慈特降處分勒醫官陸近等供具臣去年得疾之因服 士以為不可再有勞動而朝廷之儀不可不懼欲望聖 藥灼艾次第及差官按驗臣目令病狀如是托疾自當 臣聞騏驎壮歲一日千里及其老也伏極悲鳴戀軒不 明正典刑如委實抱病伏望天慈放臣閑退異日倘未 臣蒙聖恩廣厚況陛下方欲建立中與之功而臣老 致仕辭閥劄子 1.1. 忠膠集 芄

選倫煮海摘山初除官於制右飛弱輓栗俄易任於畿 欽定四庫全書 官十暑化非何功宗學三霜傳經甚陋間衆推擇稍與 繕修城壘慚無補助之勞陞進官資猥預褒嘉之典省 循系冒俯伏怔忪中謝伏念臣識謝通方器非適用泮 忠穆集卷四 表 謝持轉朝奉即表 見多漢 宋 呂頤浩 撰

無私於底類肆令庸賤亦玷罷榮臣敢不改詠前修激 常德以立武事功惟從重用敦勸於羣材賞不失勞示 隱若雲霄之上載惟為鈍綿力何施忽拜龍光誤恩俯 聖應防微念城隍之比塞守臣祗命尼徒旅以與修樓 昂素節實備實軽切恩已愧於無功通積與倉率職出 及此盖皇帝陛下堯仁廣大湯政中和好生以洽民心 西海被宸給就更使節惟魏都之襟帶控朔部之吃喉 新金湯四合虎貌奮力成於自月之間維堪凌空

一銀分四庫全書

之虞上聖勃與邁禹湯之獨智匹夫不獲較竟幹之深 使令惟高陽一路之衝總朔部十城之遠河流横亘播 經勘講首尾十年随牒官遊樓遲二紀間紫推擇稍預 循非據戰恐交懷 · 謝伏念臣本乏才能誤登科第横 事艱勤塘水瀰漫地形甲下薄有雨淫之患類多菜色 救荒布惠方祇温韵之音懋賞遷官忽拜中天之命省 謝特轉朝散即表

帝陛下明協照臨功恭化育數徳澤以厚下操威福以 取臣視民如傷既恤災而有政勘功以賞又録善以無 里領塗歌改呻吟而成和氣於穆帝王之徳克配乾坤 疾疫之災各保安全之處養恭如糗變饑饉而為豐年 奉成書拯救撫存不拘常法精誠感格品類胎蘇舉無 以寓流移大開倉廩之儲蠲免税租之入展閣借貸遵 子然螻蟻之生何禪毫髮逮茲進扶尤懼處官此盖皇 仁至刀親灑宸毫溶頒詔檢廣給散以惠細弱營居處

多好四库全書

堅忠孝之心益勵報酬之節 私是致妄庸亦切甄奨臣敢不夙與自勉夕惕載思永 時髦自非黄卷潜心青錢馳譽或負瑰奇之業或高經 祗領使權父之涓埃之効進聯冊府誤膺綸綜之恩省 とこうられた 於籤騰內則掌校私文必求材雋外則帶為貼職宜命 延閣芸臺今號圖書之府四部森羅於編簡九派輝曜 分踰涯汗顏増愧中謝竊以承明金馬昔云著作之庭 謝直秘閣表 忠穆集

效官二紀補報何功稍預選除浸更任使屬朔方之小 身条秘省安知關塞之遥名入道山頓覺蓬菜之近此 類東膏之昏鈍才同蟠木之輪围講學十年傳經甚陋 **緯之文素推博習之通儒乃使寓名於蔵室伏念臣性** 盖皇帝陛下深仁博愛洪造曲成操八柄以馭羣臣奉 經畫悉遵於審訓奉行僅免於刑章豈期至簿之勞上 飲勢淵慮之深憂凡恤民施利之方若移栗救荒之政 達盖髙之聽特頌宸翰俯飭孱蹤魚示優思肆令原任

宣香澤考察盈虚之理斟量開闔之權仍偷暇於簿書 浮沉而俱載致茲冗賤亦玷電光臣敢不激勵懦衷布 竭馳驅之報 外府備員方懼曠尤之責朔方将漕復遭臨遣之思揣 復究心於鉱縣葵心常在敢忘傾向之誠爲馬未疲誓 三無而患萬有芃芃棫樸備薪槱以無遺汎汎楊舟均 てこうら ここ 分踰涯汗顏增愧中謝伏念臣草峁寒士章句腐儒偶 謝河北轉運副使表 忠穆集

車就道攬轡增榮此盖伏遇皇帝陛下剛健有為聰明 揆淵東凛出百王之上夫何預鈍有此遭逢矧是與區 職以寵行造大廷而賜對親聞法語熟知四海之憂仰 奔馳個翔二紀使節薦持於南北事功何補於毫分速 供職於中都尚未淹於數月忽蒙推擇再預使令陸峻 塵俊造之科獲玷官常之路横經勸講首尾十年抗俗 作哲乾開坤闢均覆幬於羣生雷動風行普恩威於萬 乃臣篟部關河控扼無匪昔游金穀支移粗為素習單

亂将開混一之祥濟世安民方懋憂勤之德協氣横流 逢彌月之辰仰祝後天之算中賀恭惟皇帝陛下審明 華渚流虹兆與王之瑞應樞纏繞電昭元聖之休符會 臣敢不激昂疲鈍趙赴事功舜陸克廷方遠趙朝之路 天縱剛健日新當國步之艱難膺昊穹之眷佑與表撥 ここりに ここう 朔風塞雪益深戀闕之思永誓糜捐少圖報效 物挈提大器駕御庫材肆令冗賤之資亦備驅馳之列 天中節質表 忠穆集

時荷三朝聖神之知乏一日忠嘉之報逮真人之臨御 造之恩罔極的勞之慕中辦伏念臣少無奇節早際威 海橋遠郊封人之頌傳聞萬截之呼夢想克階神馳舜 躝羣俊以超升適丁載育之辰俄被既繁之錫此盖皇 慶澤如天寵頌於異數措躬無地自悼於孤生難名洪 陸乾坤簡易既風荷於生成日月光明願永依於臨照 金りロノ 於上下歡心偏接於家區臣頃代置於家司屬省您於 生日謝賜羊酒米麵表

鍾 雖 竊 莫追 負米之年惟勤夙夜之思庶答生成之賜 委質以策名誓捐驅而報國夙際風雲之會久依日月 體貌禁迂中使慶溢外庭五鼎徒陳弗及遺羹之日萬 帝陛下仁深洽物禮厚馭臣每軫念於股肱故曲加於 仁終遂知難之請中謝伏念臣性資剛僻學術迁跌屬 制誕數件還軍路囊封懸避尚閱前音仰祈從欲之 時適報虞義惟追勉雅龍正御何施汗馬之勞家 辭免少保左僕射表

P.3 -18-7-1

擊壤而歌消質雖衰償未淪於溝壑葵心常在猶期效 之崇仍陟貳公之峻蚊負山而力小是懼鶴垂軒而寵 館投閉方陳於判牘鋒車促召亞對於疑旒載登左揆 懼妨賢更選時髦伴持政柄聖時得濟川之助做臣當 加照桑榆察臣惓惓之忠素非避事念臣區區之意大 之微誠庶答乾坤之大造而臣心志已竭疾病交攻琳 過為虞跼地靡容循墙知畏伏望皇帝陛下垂思簪獨 雨無功已愧代天之用昨切注倚龍界藩宣願彈螻蟻

多定四库全書

於涓埃 置員而久曠信受任之非輕況當國步之艱難敢累聖 陳微悃重冒威尊中謝竊以政總中臺僕射實百僚之 極第心每存於王室功何有於太常當軸處中初之姚 君之界付伏念臣專生奇蹇賦性嗣蒙早擢禁途晚陪 表朝列左棘三班居羣士之先體親既隆安危所寄雖 忱辭屢達期仰動於天心温詔曲頒便恪共於衮職罄 第二表

試而何堪俯伏投誠彷徨失據恭惟皇帝陛下乾剛獨 一劳而人因負薪之疾方額天而求供乃播命以登庸外 憂難強之筋骸內畏非常之爵龍力不能而當止技已 崇之十事折衝樂侮奚堪李靖之一行况未施横草之 運離照旁施念輔弼之臣實關治亂非文武之備熟繫 重輕選擇時材益隆國棟儻不嫌於反汗庶大振於宏 顧惟進退之間然賴生成之造 謝左僕射表

一多玩四月全書

徒堅一節出入三紀久玷恩私勤勞百為備嘗艱險晚 明皇再造王室完觀亨會宜屬真賢伏念臣初乏寸長 世出之士靖寧禍亂保乂邦家式丁干載之時遂定萬 辭不獲荷寵為憂申謝竊以惟昔大有為之君必得不 出分師聞曾無禦侮之勞仰奉制恩再冒處中之寄字 託風雲之會繼叨衮鉞之榮邊騎南馳當分憂於柱石 年之業成湯以三聘相伊尹克享天心姚崇以十事獻 冠鋒宵遁復備位於潘垣仰賴天威漸平冠難曾何施

赞元經體斬賢路之外妨告老乞身 叩帝 閣而有請退 區别產品與天同徳茂化育於蟲魚如日之升被光華 念皇綱之未振復天步之多數事已試而可知固慚重 銀兵四月全書 於尺寸惟竊戴於寵光敢圖海汗之頒歸冠上台之位 於草木肆令衰朽再冒使令尊主庇民敢負平生之志 任恩彌隆而未報尚喝孤忠此盖皇帝陛下明照庶工 與衰撥亂庶寬當宁之憂勤 任左僕射乞宫觀表

會真人之臨御偕羣俊以陞遷初擢貳於樞庭繼延登 衣持節十年猥被於馳驅鐵馬從軍二部偏當於險阻 惟僣越甘英刑誅中謝伏念臣世貫寒鄉早塵仕版編 連年之盛夏向匪嚴宸軫念丹劑屢頒遣中使而撫存 逼崦嵫之将暮加浦柳之易衰素嬰伏暑之沉疴發在 冠於半舍之近但憑睿算曾乏寸功逮重玷於家司己一 くいうえ しこう 再更於歲篇侵尋甲子六十有三補報朝廷萬分無 於揆路總戎京口距强鄰於一水之間置陣江東禦大 忠穆集

金只口屋人一 全名節 真館豈特匹贏之弱質稍遂休閑庶令孤拙之危蹤得 策憫病樗之朽腐宜謝雕鐫偶斂跡於公朝獲庇身於 皇帝陛下乾坤覆壽日月照臨憐老馬之虺隤難堪鞭 屬艱虞之際難勝機務之繁伏地投誠籲天瀝懇伏望 勅良醫而調護至於今日豈保餘生重念臣遭遇聖明 两切鼎軸出入将相五換星霜禄位豐盈形神衰繭茲 謝兼湖南路營田大使表 P

實在於衡門忽承明記之頒例付司農之責此盖皇帝 始合奉承而臣齒髮已衰精神俱耗任雖專於即間情 舒飛較之勤雖經始於暫勞庶成功於永逸夏惟時望 是嚴積穀之科外社姦謀内强國勢乃合兵民之力以 食所先耕戰為急漢屯西域充國陳十二事之便宜魏 祇守屏藩退慚衰朽就加使指彌荷寵靈申謝竊以兵 歴世以相沿國家屬時多艱稽古創立乃春宿兵之 田許都任峻得百萬斛之蓄積是為有邦之大計宜乎 : ; 忠修集

多分で屋ろす 傳木學繩極甕牖素非閥閱之餘章帶布衣僅繼簪纓 累辭而弗獲徒負愧以彌深中謝伏念臣世貫寒鄉家 運逢千載莫知補報之方罷被一門益犯滿盈之戒既 季年之積 圖報效惟知黽勉踐仲由有勇之言儻或豐盈與羊祜 從勒鞭之人逮兹承之盡出優恩臣敢不誓喝養愚仰 陛下大明並照厚德無疆謂臣粗知稼穑之勤憐臣侍 謝除男抗旗職名并姪挺改官表 

名在道山賞典頻繁必速續貂之前聖恩優渥益憐哉 之多病思解政機顧賤息之何功同升冊府身居子舎 之後晚膺睿睢再冒台司欲劾涓埃徒殫夙夜歎殘年 續之情復因猶子之從軍俾脱南官之銓調滕私若此 灰滅以之此盖皇帝陛下太極函三乾元用九執賞罰 白以承家言必教忠誓糜捐而報國 亦被榮光臣敢不益懼顛齊愈懷祗畏行惟訓儉傳清 こうういこう 大柄駕馭英豪恢道徳之宏綱包容纖芥故令衰緒 忠榜集

嚴召再東洪鈞鳳閣驚臺顧切逾之已甚明戈玉節 時器使寧無中外之殊被賭優隆不見初終之其頃私 躬凉薄拜命兢管中部伏念臣奮跡寒鄉致身近獨逢 恩領宸宇誕揚浜汗之音誠叩天閣莫動盖高之聽揣 金月でた 於功名而聽鼠故窮猶誤蒙於驅策過膺異數無總不 報稱之謂何皎皎不忘區區自効況崦嵫景逼久無意 謝除依前特進尚書左僕射都督江淮两淅荆 湖軍事表 思

我惟兹八路之權思考四封之遠長江繚繞屬部彌延 清光備聞睿訓肅将天罰少寬明主之深憂克復神州 令實遙無循攸重必資豪傑仰副倚毗如羊枯之懷柔 北接偽疆地大牙而錯處南連蜀壤勢後臂以交通號 舉既籲天而其獲徒跼地以難安此盖皇帝陛下睿智 方成遠業若武侯之壽略庶定中原顧臣何人辱國斯 王者之能事通肇新於督府作巨屏於行朝而臣日侍 日新聰明時憲誕敷文徳本聖人之用心有此武功亦

展之知二紀從我冒極塞干戈之險晚緣遭際沒冒使 待罪台司弗勝重任奉祠真館仰累寬恩仍無秘殿之 隆名俯示淵東之至意念循墻而莫避惟感涕以無從 尚覬蒼穹之悔禍 中謝伏念臣本之藝能蚤蒙推選十年持橐荷累朝輔 驅馳七換於星霜出入再切於魁柄念中原之未復每 令贈天表於敵管已蒙眷與奉時巡於海甸復被甄陞 謝特進觀文殿大學士提舉洞霄宫表

門街戴於恩私沒齒不忘於循省價有捐驅之所不改 之身終始盡保全之賜臣敢不甘心達華遠跡海山闔 做材外家親近貼指紳之後福特屈刑誅禄食優衰悴 慘之造此盖皇帝陛下至仁無爱大德有容念替履之 方言章之交上實邦憲之難逃力扶顛躓之蹤孰非辨 之罪繫顧擢髮以奚窮誤當宁之倚毗雖殺身而莫贖 晚境顛倒迷逢既無經遠之謀又乏防微之智念積年 深雄市之惭庸王國之多虞敢憚推鋒之役而臣侵尋 忠穆集

初心庶幾結草之前尚期小補 不能者止恐貽覆餗之識有疾則辭敢怠負薪之訓輙 潭州乞宮觀表

當膽不忘嗟志大而才疎終遇豐而效淺賴中宸之覆 之未滅何以家為思天下之未平猶如己溺枕戈必報 陳愚悃上賣淵聰中謝伏念臣頃以孤忠誤蒙器使憤匈奴

露從祠館之優問庶保殘年不虧素守會長沙之闕守 選售弼以分行首尾五六辭既難田於海汗奔馳數千

里遂遠涉於修塗重惟承之之初偶屬大荒之後草盗 耗既難膺於重寄敢貪戀於寵榮豈待人言所宜自省 怔忪之患從朝至暮第懷顛沛之憂樂石交攻形神 霄而俟命重念臣頹齡已迫弱質易衰自夏涉秋常 適雨賜之協序致年穀之順成緑林無嘯聚之徒赤子 田里勸豪宗而發私積以販貧窮畫旦忘發夜分置寢 弄兵非一路編氓餓踣於四郊戮渠魁而撫魯從倮安 返耕桑之業因兹乞退豈曰辭難傾肺腑以籲天堂雲

欲其生疾痛則呼天固非得己伏念臣自叨閫寄思報 誓捐驅之報 俞音俾安賤迹丹心懸切仰祈從欲之仁白首涕零猶 伏望皇帝陛下擴推明徳曲示優恩俯憐螻蟻之誠深 殫螻蟻之誠重瀆冕旒之聴 中謝竊以父母之爱子唯 仰貢囊封披腹心而自達俯須宸翰輝耳目以增榮輛 念盖惟之舊使其全進退之義察其非矯激之為蚤降 謝賜御筆并乞宫觀表

多定四庫全書

感泣自惟蹤跡久被眷知豈敢心欲仕而丐閑身尚安 章照臨萬物疾若風雷之令鼓動羣心棒讀凌兢退思 之凋推僅同枯析力陳悃幅獲遂退附豈期審眷之曹 屬氣潛垂雨淫為梗帳心神之搖落寂若寒灰顏肢體 虎之羣義在除克誠非愛死徒以崦嵫将暮浦柳易衰 國恩亦當親總師干冒涉風濤之險身先士卒以當豺 隆更賜湛恩之優渥灑為聖作播在訓詞倬然雲漢之 而託病上負生成之大徳永為名教之罪人顧雖無知 てこうら こい 忠穆集

之名於貸餘生俾全晚節收形骸於行陣獲保殘年奉 以事君寧忍為欺君之行念臣勤於泣事且素無避事 亦不為此伏望皇帝陛下擴施洪造深憫忱群察臣信 金万里人と一 轅門移病屢仰貢於忱辭使即踵塗復下頒於宸翰電 加心悸感劇涕零中部伏念臣蚤玷儒科晚陪與運入 香火於閒庭庶安賤迹 塵揆路出擁戎旃念膺明主之知頗慕古人之節誠通

春思親灑雲章迅若風雷鼓動貌貅之勇燦如奎壁下 上章而自劾冀引分以投開敢謂聖明益深者注特據 當親持桴鼓止泣江山第緣日暮之年復因雨淫之疾 白日雖惭魯子之揮戈志復中原每效陶公之運覺固 為草木之光縱使糜捐莫能報塞然念衰殘之質久嬰 心號神明之舍動輕低問為倉康之官愈增虚弱數 疾疢之憂恐終誤於使令必再干於聴覧伏望皇帝 下體天行健如日方中俯念疲癃聞越吟而軫慮加憐

てこうら ここ

忠穆集

路之光陰 產艾錫漢帛以疏恩改命英材俾專劇任肆令孱懦獲 金万里及人丁里 服審私惟深感涕中部伏念臣少語寒苦晚幸遭逢學 遂退休横槊赋詩尚憶當年之意氣求田問舎少延末 古而不適於時才跡而無取於世将沐雲天之澤久叨 将相之權已迫衰殘甘退歸於邱壑再蒙除用乃復領 使遇臻仰訓詞之下逮外藩無補衆錫予之殊榮祗 謝傅宣撫問賜茶樂表

價未畢於餘生誓少酬於洪造 帝陛下需澤旁流晉明番錫憐臣簪笏之舊未忍遐遺 **苑之名團能祛滞思出上方之珍劑可起沉疴此盖皇** 以臣桑榆之年猶加返照臣敢不仰衙思遇勉竭疲駕 久塵揆路屢伸開退之誠無總元戎更冒倚毗之重報 てこうし ニー 於塵符祗命戒塗涓辰視印云何報効尚辱記存領北 辭免除依前特進尚書左僕射都督江淮兩浙 判湖諸軍事加食邑表 忠穆集

幾尤淺天資拙直之外無所甚長世路艱險之間頗知 補志期靖亂常止泣於江山心在酬恩每捐軀於矢石 自信偶陪聖運再站军可舜夙夜之微勤冀涓埃之 智略曷副褒陞况乃入當相印之禁出擁戎旃之寄喻 任外專八路之權非王導之材猷孰膺遴選拾武侯之 終無異效仰副虛懷敢謂皇明照知忠樸内襲三台之 布牢辭之義仰祈從欲之仁中謝伏念臣涉道弗深見 涯是懼揣分奚堪伏望皇帝陛下天地無容神明獨斷

多りでた

繁國家之重任都督之號起於魏晉之間僕射之名盛 於隋唐之際並居朝著各執事樞能效一官已為稱職 囊封上達具陳個倡之辭語檢下領復拜丁寧之訓報 再干於洪造真必奉於俞音中湖竊惟将相之大臣實 縁衰病恐誤使今特軫淵衷收還成命數求人傑佐佑 憐臣已老素無避事之名知臣至愚徒有愛君之志偶 邦基庶令衰瘁之餘生獲保退休之晚景 5 第二表 忠廖集

臣無功名於承平之日別值艱難憐臣之材力於少壯 異數大駭羣情伏望皇帝陛下覆無無私照臨有赫察 慚經緯止為章句之儒武昧韜鈴粗通軍旅之事報膺 資将略素深帷幄之謀必致顛臍難當憂責如臣者文 併持二柄允屬英材黛匪寅亮天工克任棟梁之寄兼 失過遐之望 之時況茲衰病牧還成命改付真賢庶於授受之間不 謝封成國公加食邑表

銀好四月全書

老四

多賦名器所寓輕重有偷價乖授受之宜奚副遐邇之 陛下舜徳格天堯仁浹物駿奔得四海之助聖孝來萬 望伏念臣奮由寒素晚遇聖神初從極莞之嚴再冒釣 辭不遂撫已増憂中謝竊以分國擬於上公爰田畀之 之辰乏捧豆走祠之力敢期褒命誤及孤蹤此盖皇帝 衡之重罪 成有邱山之積報酬無尺寸之微尚哲后之 記憐推天慈而覆燕逮可留鑰畏甚履冰方合官欽謁 倭邦假守每深尸素之慚 裡犯慶成濫被電光之典懇 忠穆集

